



Broj: 12-27-11885-7/19
Zenica, 11.10.2019.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12-27-11885-6/19, od 30.09.2019. godine, u otvorenom postupku javne nabavke za radove broj: 1417-1-3-13-3-12/19 od 23.08.2019. godine, Ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „Sanacija i modernizacija dijela ceste na dionici Moštre-Visoko na regionalnoj cesti R-445 Kakanj-Visoko” broj: 1417-1-3-13-3-12/19 od 23.08.2019. godine, ponuda ponuđača “Trgošped” d.o.o Kakanj (broj: VP - 69/19 od 24.09.2019. godine) sa ukupno ponuđenom cijenom od 965.366,78 KM (bez uračunatog PDV-a) izabrana je kao najpovoljnija.

II

Ponuđač “Trgošped” d.o.o Kakanj (ID broj: 42180576990003), adresa Ul. Branilaca bb, 72240 Kakanj, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će ugovor sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obaviješteni o izboru najpovoljnije ponude.

III

Ponude ponuđača “MGV Gradnja” Zavidovići i STRABAG d.o.o. Sarajevo se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuju jer nisu potpune i ne ispunjavaju zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12-27-11885/19 od 24.07.2019. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-13-3-12/19 objavljeno je na Portalu javnih nabavki 23.08.2019. godine.

Komisija za javne nabavke imenovana rješenjem broj: 12-27-11885-3/19 od 23.09.2019. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda pristiglo je ukupno 5 (pet) ponuda.

U periodu od 24.09.2019. godine do 26.09.2019. godine Komisija je pregledala dostavljene ponude u skladu

sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača "MGV GRADNJA" d.o.o. Zavidovići nije u skladu sa tačkama 12.6 i 12.7. tenderske dokumentacije. Naime, tačkom 12.7. a) tenderske dokumentacije, za dokazivanje tehničke i profesionalne sposobnosti dobavljača iz člana 51. ZJN, propisano je dostavljanje spiska izvršenih ugovora koji se odnose na *izgradnju, rekonstrukciju ili sanaciju javnih cesta koji su realizovani u prethodnih pet godina (2014,2015,2016,2017 i 2018.) sa priloženom minimalno jednom potvrdom naručioca posla.* Naime, ponuđač je dostavio traženi spisak izvršenih radova i potvrdu za izvođenje radova na izgradnji radionice VV i OŠV Zenica koji se odnose na projekte vanjskog uređenja i pristupnog puta na put M17, naručioca JP Željeznice FBiH, a iz čega je jasno vidljivo da predmetni ugovor po sadržaju ne odgovara uslovima propisanim u tački 12.6.1. tenderske dokumentacije.

Imajući u vidu navedeno, ponuda ponuđača MGV-GRADNJA d.o.o. Zavidovići, u skladu sa članom 68. Zakona o javnim nabavkama BiH („Službeni glasnik BiH“ broj: 39/14) se odbacuje, jer nije potpuna i ne ispunjava zahtjeve iz tenderske dokumentacije.

Ponuda ponuđača STRABAG d.o.o. Sarajevo se odbacuje jer ne ispunjava uslove propisane Tačkom 12.7. a) tenderske dokumentacije, u kojoj je za dokazivanje tehničke i profesionalne sposobnosti dobavljača iz člana 51. ZJN, propisano dostavljanje spiska izvršenih ugovora koji se odnose *na izgradnju, rekonstrukciju ili sanaciju javnih cesta koji su realizovani u prethodnih pet godina (2014,2015,2016,2017 i 2018) sa priloženom minimalno jednom potvrdom naručioca posla.* Naime, ponuđač je dostavio traženi spisak izvršenih radova i potvrdu za izvođenje radova na izgradnji tunela Karaula naručioca JP Ceste FBiH, a iz čega je jasno vidljivo da predmetni ugovor po sadržaju ne odgovara uslovima propisanim u tački 12.6.1. tenderske dokumentacije.

Imajući u vidu navedeno, ponuda ponuđača STRABAG d.o.o. Sarajevo, u skladu sa članom 68. Zakona o javnim nabavkama BiH („Službeni glasnik BiH“ broj: 39/14) se odbacuje, jer nije potpuna i ne ispunjava zahtjeve iz tenderske dokumentacije.

Ponuda ponuđača „TRGOŠPED“ d.o.o. Kakanj, ponuda Grupe ponuđača - Konzorcija: KOMGRAD-ZE d.o.o. Zenica, ALMY-TRANSPORT d.o.o. Zenica i TANS PUTEVI d.o.o. Doboj Jug, te ponuda ponuđača "Porobić" d.o.o. Zavidovići, ispunjavaju postavljene uslove, te je za 30.09.2019. godine zakazano provođenje e-aukcije, sa početkom u 9:00 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

R/br	Ponuđač	Ukupna cijena ponude bez PDV-a nakon sprovedene e-aukcije:
1.	TRGOŠPED d.o.o. Kakanj	965.366,78
2.	Konzorcij: KOMGRAD-ZE d.o.o. Zenica, ALMY-TRANSPORT d.o.o. Zenica i TANS PUTEVI d.o.o. Doboj Jug	1.072.057,99
3.	POROBIĆ d.o.o. Zavidovići	1.083.503,25

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača "TRGOŠPED" d.o.o. Kakanj. Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli Ugovor za „Sanaciju i modernizaciju dijela ceste na dionici Moštre-Visoko na regionalnoj cesti R-445 Kakanj-Visoko". Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda
- Izvještaj o toku i završetku e-aukcije
- Saglasnost za ispravku računske greške

Dostavljeno:

5 x svim ponudacima,
1 x a/a

**MINISTAR**
(Arnel Isak)

